

Hs. 58, 33 Item Rat, was Ist das? Ich hab gesehenn Ein
hultzes Stainhawss. Das Ist ein kumpff, den die
mader tragen, Do der schliffstain Jnnen ligt.

*

Hs. 58, 34 Item Ein herr hett einen lieben pulen vnd er
Schicket seinen knecht zue Jr vnd ließ sie fragen,
wen er zu Jr solt kommen. Do sprach sie zue jm:
Sag deinem herren, Das er kum,

Wenn all tann lere stien

10 Vnd all paum zue sammen gien

Vnd wenn das todt das lebenntig hat vberwunden:
So wirt dein herr in grossen freuden gefunden.

15 So sprich vnd kum also: wen nall tann lere stien,
Das Ist wenn all krausen lere stien; Wenn all paum
zue sammen gien, Das Ist wenn man die ledenn vor
den vensteren zu thut; wenn das todt das lebentig
vber wint, das Ist wenn mann den aschenn vber das
ffeüer legt. Also hastu es zue sammen gefügt.

*

Hs. 58, 35 Item warymb henckt man alber ein panner aus
der kirchen, wenn kirbay do ist? das ist darymb.
do got wonet hie auff ertrich, do was ein man, der
hieß zacheus vnd was ein klain man ane der person.
Do vnser herre prediget Jm tempell, do het Jn
25 zacheus gern gesehenn. Do staig zacheus auff einen
paum vnd wolt jne sehenn vnd sach jne vnd eylet
sere wider herab vonn dem paum vnd ließ sein pruch
hanngen ane dem paum. Das Ist das panner, das
man heraus henckt.

30

*

Item Do wechst auch weder laub noch gras.

Es saß Ein Junckffrau jn einem garten

Vnd wolt jres pulenn warten.

Do rayt einer schonner Jüngling für

5 Vnd sprach: liebe Junckffrau, laßt mir

Mein lanckhals jn euren rauch ars!

Do sprach sie:

Nain Jch, samer der lieb herr Sand brecht!

Ich bescharn erst nechten.

10 Het Jch sein nechten nit beschorn,

Jch günd euch sein recht wol.

Rat, was ist das? Das jst ein pferd vnd ein gart.
Das pferd Jst der lannckhals vnd der gart jst der
rauch ars, den het sie gemet; Sunst het sie jm sein
15 wol begündt.

*

Item Rat, was Jst das?

Siben die riten,

Sie riten vnuermiten,

20 Warn weder ffrauen noch mann.

Sie ritten weder hinter sich noch fur sich vnd
komen dennoch zue nacht zu andern leuten jne die
herberg. Sprich also! es waren sibenn junckffrauenn,
die riten mit einander.

25 *

Hs. 58, 36 Item Rat, was Jst das? Es was ein Nunn Jn
einem garten vnd do kom zue Jr ein gesell. Dar
nach kom die ebptesin vnd fraget, warvmb der gesell
mit jr Redet. Do sprach die Nunn: Des gesellenn
30 muter Ist jn meiner muter leyb gelegenn. Rat, was
Jst nun der gesell der Nunnan gewest? Sprich also!
Der gesell Jst Jr Sone gewesen, wann er Jst Jn Jr
muter gelegen. So hastu die freuntschaft.

*

Hs. 58, 36^b Item Rat, was ist das?

Ine dem lannd, do ich do was,

Do wechst weder lab noch graß,

37. ? laub.

Do wechst auch weder leib noch leben.
 Erretzstu das, so will ich dir einen pulenn gebenn.
 Das ist ein Spigell, dar Jnn man sich ersicht.

Hs. 58, 42^b Item Rat, was ist das?

Es kamen drey vogell geflogen.
 Der erste het kain zungen,
 Der annder het kain lungen
 Vnd der dritte Saugt seine Jungen.
 10 Rat, was vogel das sein! So sprich also!
 Ein storch hat kain Zungen
 Vnd ein taub hat kain lungen,
 So saugt die fledermauß Jre Jungen.